



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1648

Cap. III. Grauiores errores Ptolemaei.

urn:nbn:de:hbz:466:1-13147

CAPVT III.

Graviores errores Ptolemæi.

DEPERDITIS Antiquioribus Tabulis, vnica Agathi-Dæmonis superfuit ex obseruationibus Ptolemæicis concinnata, quæ etiamnum omnium manibus teritur, cuius præcipuos errores obseruare debet quisquis veterem Geographiam cum nouâ componere cupit.

PRIMVS ERROR Ptolemæi, & huius Tabulæ in eo apparet, quod *Africam* circumnavigari prohibet, licet aliqui veterum id optimo iure asseruissent. Ad hæc cum eandem *Africam* decrefcentem depingere debuisset, & sese in cuneum constringentem, contra ipse dilatauit. Ibidem quoque tractum versus *Æquator* mirè deformat, prætermittendo aliquos nobiliores fluuios, cum tamen in eâ parte minus peccare debuisset, in quâ patriam suam nactus erat.

SECUNDVS ERROR. Cum pars *Albionis* in Septentrionem extendenda esset, illam in Orientem reflectit & Germaniæ incumbere facit: quapropter parem *Hiberniæ* eleuationem Polarem attribuit cum Albione.

TERTIVS. *Cymbricam Chersonesum* aut ad perpendicularum excitare debebat Germaniæ, aut saltem nonnihil in Occidentem retorquere; contra in Orientem eam inclinat, & sinum *Venedicum* hîc nimis constringit.

QUARTVS. *Scandiam* amplissimam peninsulam coarctat in paruam insulam, cui adiungit tres minores ab Oriente, cum fœdissimâ huius tractûs labe.

QUINTVS. *Partes Europa*, & *Asiæ Borealis* in terras incognitas desinere putat, cum multi ex antiquis hîc Mare agnouerint, quod vtrique huic parti à Septentrione verè affunditur.

SEXTVS. Debent *Sine* ex *Indiâ* in *Boream* assurgere; contra in *Meridiem* vltra *Æquator* descendunt, & ab iis tractus longior excurrens *Asiam* cum *Africa* turpissimo errore connectit. Quamobrem aliqui veriti tantum mendum in magni viri scriptis videre, verba quibus hic error continebatur contra fidem publicam ex cap. 3. lib. 7. Geographiæ expunxerunt.

AGATHI- DÆ MONIS
 MECHANICI ALEXANDRINI
 ORBIS DESCRIPTIO
 EX LIBRIS GEOGRAPHICIS
 CLAVDII PTOLEMAI



Inter pag.
 86 et 87

SEPTIMVS. *Taprobana* nimirum extenditur, siue illa sit *Ceylanum*, siue *Sumatra*; & *insule minores* circa illam sparsæ nihil habent affinitatis seu quoad situm, seu quoad numerum cum iis, quas *Lusitanorum*, & *Batauorum* diligentissimæ nauigationes nobis retulerunt.

OCTAVVS. *Indiarum tractus*, & ora versus Meridiem miserandum in morem deformata est. In duplex Promontorium fissa est *India intra Gangem*, cum vnicum maius deprehendatur *Commorinum*; quamquam illa tum Romanis notior esset, & à temporibus *Claudij* hinc multæ merces deferrentur ad Romanos.

Reliqui errores qui in *Tabulas priuatas* irrepserunt, singulatim in descriptione prouinciarum, & regionum forsitan obseruabuntur.

CAPVT IV.

Diuisio orbis in filios & nepotes Noëmi.

GOMER <i>Cymmerij.</i>	{	ASCHENEZ. Celtæ	{ Galli. Germani. Illyrij.
		RIPHAT. Moscouitæ vbi Riphæi. THOGORMA. Turcæ.	
IAPHET cui cessit Europa & Asia minor.	{	MAGOG. Gothi. MADAI. Fortè Medi in Thracia.	
IAVAN <i>Iones.</i>		{ ELISA EM̄res Græci. THARSIS. Cilicia. CHETTIM { Insulæ & peninsulæ Me- diterranei Maris. DODANIN. Rhodij.	
		THVBAL. Hispani. MOSCH. Cappadoecs. THYRAS. Thraces.	